



Diretora PNDS, Dulce Guterres Junior Hala'o Intervensaun iha Enkontru Koordinasaun Tinan 2018 iha Salaun Enkontru Hotel Ramelau, Dili.

Sekretariatu Tékniku Programa Nasionál Dezenvolvimentu Suku Hala'o Enkontru Kordenasaun Nivel Nasionál Tinan 2018

Atu kondena di'ak liután servisu iha baze kona-ba implementasaun programa PNDS, Sekretariatu Tékniku Programa Nasionál Dezenvolvimentu Suku (ST-PNDS) organiza enkontru kordenasaun nivel nasional, tinan 2018 ne'ebe hala'o durante loron rua iha hotel Ramelau, Dili 1-2/02/2018.

Objetivu husi enkontru ida ne'e atu kria kordenasaun entre nivel Nasionál ho Munisípiu, aktualiza husi progresu programa PNDS no mós troka idea kona ba dezafiu ne'ebé akontese iha implementasaun programa PNDS iha terrenu.

Dulce Guterres Junior, hanesan mós Diretora Nasional PNDS iha nia intervensaun nia optimista ho servisu ekipa ne'ebé agora iha. Nia hatete katak: "Maski dezafiu barak ne'ebé ita hasoru iha implementasaun Programa PNDS ba fase hotu-hotu maibé ho Ekipa ne'ebé forte ita sei bele resolve dezafiu hirak ne'e ho di'ak".

Partisipante husi enkontru ne'e kordenador PNDS husi Munisípiu 12 no RAE OA, Enjeñeiru, Kontabilista no MIS husi Munisípiu 12 no RAE OA, Xefe Unidade, Xefe Departamentu, funsiunáriu PNDS nasional, nomós Assessor Internasional no nasional, Ekipa Suporta Terrenu (Field Support Team (FST)) husi Ajensia Cardno ne'ebe durante ne'e fó apoiu ba implementasaun Programa PNDS.

Sekretariado Tékniku PNDS Realiza Treinamentu Diskursu iha Publiku (Public Speaking) ba Maluk Defisiensia Balun Ne'ebé Eleitu Nudar Ekipa Jestaun Suku (EJS).

Treinamentu diskursu iha públiku ba ema ho defisinsia ne'ebé sai hanesan ekipa jestaun suku (EJS) hodi halo jestaun implementasaun Programa Nasional Dezenvolvimentu Suku iha nivel Suku realiza iha Hotel Ramelau, Aimutin Dili (30-31/01/2018).

Treinamentu ne'e hala'o ho objetivu prinsipál atu bele hasa'e abilidade no konfiansa an ba partisipante sira atu bele involve no karik posivel lidera enkontru PNDS nia iha nivel Suku, nune'e bele partisipa ativu iha prosesu planeamentu no implementasaun PNDS. Iha treinamentu, partisipante sira simu materia aprendizajen konaba abilidade atu ko'alia iha oin ka ko'alia iha públiku, nune'e rona mos esperensia husi maluk ho defisiensia seluk nudar jestu atu inspira partisipante sira hodi fiar an ko'alia iha públiku.

Hatan ba preokupasaun hirak ne'e, Directora Nasional Sekretariado Tékniku PNDS, Dulce Guterres Junior hateten dala barak akompanha vijita Ministru da Administrasaun Estatal iha baze, Ministru sempre apresia implementasaun programa PNDS, tanba bele responde imediata kondisaun balun ne'ebé comunidade enfrenta, nune'e espera katak governo sei kontinua implementa programa ne'e.

Hafoin remata diskusaun aberta entre EJS ho estrutura PNDS, iha sesaun enamentu aktividade treinamentu nee, Directora Dulce Guterres hato'o parabens ba partisipante sira tanba bele aproveita didiak oportunidade ne'ebé iha, hodi aumenta fiar an wainhira ko'alia iha públiku. Nune'e espera ba futuru PNDS sei bele iha kooperasaun diak liu tan, ho Asosiasaun Defisiensia Timor Leste hodi nafatin fo treinamentu kapasitasaun ba maluk sira ho kondisaun defisiensia.

PNDS

Hamutuk Ita
Dezenvolve Nasaun

Febreiru 2018

Progresu

Pilotu: Remata ona

Faze 1 Siklu 1 : Remata ona

Faze 2 Siklu 1 : Remata ona

Faze 3 Siklu 1 : Remata Ona

Faze 1 Siklu 2 : Iha Etapa 11-12 (Kompleta Kontrusaun, Sertifika, no enkontru akontabilidade Final, Auditoria no Avaliasaun)


Faze 2 Siklu 2 : Iha Etapa 11-12 (Kompleta Kontrusaun, Sertifika, no enkontru akontabilidade Final, Auditoria no Avaliasaun)

Faze 3 Siklu 2 : Iha Etapa 6 (Prepara no Verifika Proposta ba projektu)




Prioridades Kada Seitor Iha implementasaun PNDS 2017

Faze I Siklu 2



Faze II Siklu 2



Rejultado Monitorizasaun ba Sistema MIS no Implementasaun Uma Polisia Suku iha Munisipiu Covelima, Hatudu Progresu Ne'ebé Diak



Monitorizasaun ba sistema manajamentu informasaun (MIS) ne'ebé hala'o husi Sekretariado Tekniku PNDS iha Munisipiu Covelima hala'o iha 12/02/2018.

Iha monitorizasaun ne'e nota katak implementasaun

sistema manajamentu informasaun iha Munisipiu Covelima la'o diak mesmu iha dadus balun husi lista projetu mak ladauk hatama iha dadus MIS Nasionál liu-liu kona ba lista projetu adisional, no lista projetu alterasaun projetu.

Tuir dadus MIS Nasionál total projetu adisional no alterasaun iha Munisipiu Covelima hamutuk walu (8) maibé wainhira ekipa identifika iha tereno nota katak projetu adisional no alterasaun hamutuk sanulu resin.

Husi total projetu ne'e projetu ida (1) canselado, lima (5) iha dokumentus kompletu no hatama ona iha dadus MIS Nasionál, hat (4) iha dokumentus maibé la dauk hatama iha dadus MIS Nasionál no rua (2) seluk hatama ona iha dadus MIS Nasionál maibé dokumentus seidauk submete husi nivel postu ba Munisipiu hodi kontinua hatama iha dadus MIS Nasionál.

Entretantu husi sorin seluk wainhira ekipa hala'o monitorizasaun implementasaun projetu uma ofisial polisia suku hatudu progresu nebe la'o diak no pruntu ona atu kontinua ho instalasaun / monta uma kakuluk no plafon husi kompanha Galvalindo ne'ebé manan tender tuir Lei aprovisionamento.



Sekretariado Tekniku PNDS Organiza Aktividade Suku Vijita Malu iha Munisipiu Bobonaro, Aktividade Ne'e Nudar Estudus Komparativu Hodi Fahe Esperensia ba Malu

Aktividade suku visita malu ne'e hala'o iha Munisipiu Bobonaro ne'ebé partisipa husu Ekipa Gestaun Sukus (EJS), no Chefe do Suku husi Munisipiu tolu (Suku Vaviquinia, Munisipiu Liquisa, Suku Lalawa, Munisipiu Covelima, Suku Labonu Munisipiu Ermera) aktividade visita malu ne'e realiza iha data 26/2/2018 iha Postu Administrativu, Maliana Vila, Munisipiu Bobonaro.

Diretora Nasionál PNDS, Dulce Guterres Junior ne'ebé akompanha mos aktividade Suku visita malu ka estudus komparativu ne'e hateten objetivu prinsipál husi aktividade ne'e mak atu lori comunidade sira husi Suku sel-seluk liu-liu ekipa Jestaun Suku atu hare no aprende aktividade ekonómiku husi Suku uma nain, nune'e sira iha ona referénsia hodi implementa aktividade ekonómiku hanesan negósiu ou buka moris.tamba Governo planeia ona atu aloka orsamentu ba implementasaun PREB iha tinan 2018.

Entretantu Presidente Autoridade Munisipiu Bobonaro, Jeferrino Soares iha nia abertura hateten katak agradese tebes ba política PNDS ne'ebé fo fiar ba Munisipiu Bobonaro hanesan uma nain hodi fahe esperensia ba Suku seluk hodi aprende buat ruma husi comunidade Munisipiu Bobonaro.

Atu hetan informasaun :
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl